



U zgradi Profesionalne vatrogasne jedinice Općine Goražde danas je svečano puštena u pogon nova peć za zagrijavanje njihovih prostorija. Riječ je o peći koja za zagrijavanje koristi pelet, a s obzirom da u prethodnom periodu zgrada nije imala riješeno pitanje grijanja, postavljanjem ove peći riješen je problem, jer kako su naglasili sami uposlenici, veoma je značajano zagrijavanje zgrade, a posebno garaža gdje se nalaze vozila kojima je neophodna toplota pri niskim temperaturama prostorija.

Ovom prilikom, načelnik Općine Goražde mr. Muhamed Ramović je istakao:

„Profesionalna vatrogasna jedinica Općine Goražde nastavlja tradiciju jedne od najuspješnijih jedinica ove vrste u BiH. Uposlenici danonoćno rade i stalno su na usluzi građanima za spašavanje života i materijalnih dobara. Mi uvijek imamo smjenu koja je ovdje 24 sata dnevno i to je za svaku pohvalu. Zadovoljan sam njihovim aktivnostima i radom, i nakon trideset godina zvanično smo ugradili novi sistem zagrijavanja. Projekat je koštao oko 90.000,00 KM, a obuhvaćene su PVJ, zgrada obdaništa „Sunce“ i zgrada Općine. Projekat već pokazuje svoju opravdanosti i učinkovitost. Prostorije su mnogo toplije, što ovaj potez čini potpuno opravdanim. Ranije smo davali preko 60.000,00 KM za lož ulje i ostale potrebe kada je grijanje u pitanju, a sada je potrošnja manja za pedeset posto što je dobro za budžet. Zato danas s ponosom zvanično otvaramo novi sistem zagrijavanja. Kada su u pitanju ostale aktivnosti, kontinuirano po programu koje utvrdi Općinsko vijeće vršimo nabavku opreme. Imamo pozitivan primjer sjekača koji je neophodan u slučaju saobraćajne nesreće i može doprinijeti spašavanju života. U planu nam je i nabavka vozila, iako ih imamo dosta, ali godine čine svoje i neka od dotrajalih vozila moramo zamijeniti savremenijima.“

NOVI SISTEM ZAGRIJAVANJA U PVJ OPĆINE GORAŽDE

Autor gorazde.ba

Petak, 23 Novembar 2012 14:09



www.gorazde.ba